

萬寧
著協

留英政治譚全

能見其大
不虛此行

范源康題



民國四年一月出版

留英政治譚(全一冊)

布面定價銀一元五角
紙面定價銀一元



著者 甯協萬

印刷者 中華書局
上海虹口東百老匯路

發行者 中華書局

總發行所 上海 中華書局
河拋球場南首

分發行所 中華書局

北京天津奉天廣州長沙開封
溫州長春漢口南昌南京杭州
濟南保定武昌太原常德福州
成都重慶雲南徐州

序

世界進化。日趨大同。人類性質。最嗜摹倣。近十數年來。吾國人士。痛宗邦之衰弱。觀歐美之富強。以爲吾國自古崇尚禮教。無法治之可言。必先破壞固有之制度。而後盡取西法。從頭建設。始足以應今世界之變。自共和告成。政黨林立。壁壘一新。就其形勢上論之。可不謂抗衡法美。凌轢英日哉。然而政治日益紊亂。道德日益墮落。未

能取人之長。反失己所固有。豈西法之不良歟。毋亦知其一不知其二之病也。長沙甯子協萬。近出其所著留英政治譚。以眎余。考察綦詳。比附近事。慨乎言之。而首注重於政黨。蓋以政黨之良否。實爲政治得失之原。彼英之所以興。則在其自由保守。兩黨迭握政權。各謀所以福國而利民者。以爲制勝之具。至一黨之首領。又靡不品性高潔。學識超遠。爲社會所信仰。故其根

祗深厚。未易動搖。加以條頓民族。有勇敢
強毅之精神。與純樸勤勞之慣習。俾之數
政客得利用之。以行其政策。雄飛世界。夫
豈偶然。爕喜是書之足以促吾人反省。或
得因是而改良政黨。以完成共和之良政
體也。故樂得而爲之序。

民國三年仲秋月泉唐汪大燮

留英政治譚
序

跋

英吉利以彈丸三島之地。儼然執世界牛耳。論者莫不稱其民族之優秀。政治之善良。工商之發展。與夫明王良相經營締造之宏遠且大也。然此皆政象之表現耳。若其所以睥睨歐西。雄視全球。則尤在海軍之無敵。蓋武裝而後和平。和平而後能結合民族。改進政治。發展工商。卽其明王良相之所締造經營。亦惟肆力於海軍而已。

甯子協萬著留英政治譚。而於雄大之海軍。述焉獨詳。可謂善覘人國者矣。近日歐陸戰雲。瀰漫天際。雖造因於奧塞二國。牽率英法俄德日諸邦。而究厥本原。實英國欲限制德國海軍之發展。德國欲遏抑英國海軍之雄長。迭相猜忌。互爲角鬪。遂釀此最大之慘劇。故謂今日歐洲之事爲英德海軍戰爭可也。嗚呼。君子觀於此。而知英之所以興。與夫立國之本矣。銘曩遊英

倫。周諮博訪。思以所得。貢之國人。治軍罕
暇。夙願未償。得甯子是書而讀之。先得我
心矣。爰泚筆而爲之跋。
民國三年仲秋月。靳水湯薌銘。

自序

哥倫比亞大學政治部長巴捷斯氏。讀黑
智兒氏所著歷史哲學時。謂日後著書。必
不自序。洎巴氏著成政治學及比較憲法
論。忽曰。不可不有數言。以冠書首。所陳之
義有二。其一謂友人斯密斯氏暨烏耶爾
氏。於其書脫稿之後。參助之益孔多。不可
不序。是可見西儒之忠信篤敬。決不攘人
之美。以爲己有也。余自發憤著述以來。雅

不欲自序弁卷。今觀巴氏之說。亦覺有不能已於言者。蓋余曩著敬告中國青年。吾師章太炎先生。有鑒正批評之助。亡友宋教仁先生。有校正忠告之助。去秋著西征紀事。蔡元培先生。鑒正全稿。指正數條。今年著留英政治譚。龍研仙先生。亦鑒正全稿。指正數條。是皆不可默然而不鳴謝者。昔太史公司馬遷。足跡不出中國。交遊僅在燕趙。旣得人物江山之助。而余之馬蹄。

轍跡縱橫數萬里。出入七八國。余之良師益友。世界之豪俊。海內之鴻儒。視彼僅遊中國。僅友燕趙者。則所得人物江山之助。宜更多也。無如櫛味顓魯。不可以教。顧既有諸大君子之助力。重以生斯亂世。匹夫有責。余獨可妄自菲薄乎。是故遊歐二載。勉著二書。前之西征紀事。紀載評論歐洲各國之政教工商風化民德。欲以藉諷我國人有所警惕也。今之留英政治譚。紀載

評論英倫三島之政教工商風化民德。欲以揭示我國人知所矜式也。余於現今世界。論人則最重英人。論國則最重英國。惟英人能造英國。然則欲學英人之所以造國者。必先學英人之所以爲人乎。夫民爲邦本。欲富國。先自富。欲強國。先自強。欲治國。先自治。民富矣。國無不富。民強矣。國無不强。民治矣。國無不治。英國之所以富強且治者。皆英人自富自強自治之道。有以

致之。余於英倫政治。不憚推崇盡致。取此
義而三致意焉。談政學者。當不河漢斯言。
民國三年仲秋月長沙甯協萬

留英政治譚 自序

六